

Nakon provedenog postupka direktnog sporazuma, na način i po postupku predviđenom članom 90. Zakona o javnim nabavkama, zaključuje se

## UGOVOR

### O NABAVKCI USLUGE ŠESTOMJESEČNOG ISPITIVANJA SISTEMA VATRODOJAVE

između

**JU "APOTEKE SARAJEVO"**, Sarajevo, Aleja Bosne Srebrene bb/IX, koju zastupa generalni direktor Nedim Hrelja mr. ph. MBA (u daljem tekstu: **Naručilac**) i

**PROVING INŽINJERING d.o.o.** Sarajevo, Safeta Zajke 115c, ID: 4200290480004, koje zastupa direktor Haris Deović, ing.zop. (u daljem tekstu: **Izvršilac**).

#### I PREDMET UGOVORA

##### Član 1.

Predmet ovog ugovora je nabavka usluge redovnog šestomjesečnog ispitivanja sistema vatrodjave u poslovnim jedinicama ugovornog organa u Kantonu Sarajevo i Zeničko – dobojskom kantonu, u skladu sa ponudom Izvršioca broj:3684/19 od 02.10.2019. godine, koja je sastavni dio ovog Ugovora.

#### II VRIJEDNOST UGOVORA I CIJENE USLUGA

##### Član 2.

Cijena usluge koja je predmet ugovora iz člana 1. iznosi 4.000,00 KM bez PDV-a, odnosno 4.680,00KM sa PDV-om.

#### III PRAVA I OBAVEZE UGOVORNIH STRANA

##### Član 3.

Izvršilac se obavezuje da će:

- uslugu koja je predmet ugovora pružati u skladu sa važećim zakonskim i podzakonskim propisima koji regulišu predmetnu oblast;
- uslugu izvršiti u roku od 15 (petnaest) dana;
- u roku od 10 (deset) dana po izvršenoj usluzi, sačiniti i dostaviti izvještaj o izvršenom periodičnom pregledu i ispitivanju sistema vatrodjave u objektima naručioca u kojima je pružena usluga, te potvrde - ateste o ispravnosti i funkcionalnosti ugrađenog sistema aktivne zaštite od požara
- sve informacije do kojih dođe u toku izvršenja ugovorenog posla tretirati kao poslovnu tajnu, te da iste neće iznositi u javnosti, niti na bilo koji način učiniti dostupnim trećim licima, bez izričite pismene saglasnosti Naručioca

Naručilac se obavezuje da će:

- Izvršiocu dostaviti sve potrebne informacije i podatke, neophodne za izvršenje usluga koje su predmet ugovora.
- plaćanje za predmet ugovora izvršiti u roku od 30 (trideset) dana od dana zaprimanja fakture.

JU „Apoteke Sarajevo“

PROVING D.O.O.

Plaćanje se vrši na transakcijskih račun Izvršioca naznačen na fakturi.

#### **IV KVALITET USLUGE**

##### **Član 4.**

Izvršilac se obavezuje i daje garanciju da će u cilju što kvalitetnijeg izvršenja usluge koja je predmet ugovora, koristiti sva raspoloživa znanja i tehnike, te uvoditi korektivne mjere, ako on sam ili po zahtjevu Naručioca ocjeni da je to potrebno.

#### **V SAOPŠTENJE I REKLAMACIJE**

##### **Član 5.**

Ugovorne strane su saglasne da će se međusobno informisati o svim bitnim elementima koji su od značaja za realizaciju ovog ugovora.

Svaka strana zadržava pravo da u roku od tri dana, računajući od dana učinjene povrede odredbi ovog ugovora, uloži prigovor drugoj strani.

##### **Član 6.**

Pravo prigovora, odnosno reklamacije, naročito se odnosi na slučajeve:

- izvršenje usluge neodgovarajućeg kvaliteta,
- neblagovremenog izvršenja usluge,
- izvršenje ugovorene usluge u neodgovarajućem obimu,
- neblagovremenog izmirenja obaveza
- u drugim opravdanim slučajevima.

#### **VI TRAJANJE UGOVORA**

##### **Član 7.**

Ovaj ugovor se zaključuje na period od 30 (trideset) dana od dana potpisivanja ugovora.

#### **VII PRELAZNE I ZAVRŠNE ODREDBE**

##### **Član 8.**

Ukoliko u toku trajanja ovog ugovora dođe do bilo kakvih promjena u nazivu ili drugim statusnim promjenama ugovornih strana, tada će sva prava i obaveze ugovorne strane kod koje dođe do takve promjene, preći na njegovog sljedbenika.

##### **Član 9.**

Za sve što nije predviđeno ovim ugovorom primjenjuju se odredbe Zakona o obligacionim odnosima i drugih pozitivnih propisa.

Ugovorne strane su saglasne da je u rješavanju eventualnog spora nadležan Sud u Sarajevu.

##### **Član 10.**

Ugovorne strane su saglasne da do raskida ovog ugovora može doći na pismeni zahtjev jedne od ugovornih strana, sa otkaznim rokom od 15 dana.

**Član 11.**

Ovaj ugovor je sačinjen u četiri (4) istovjetna primjerka od kojih dva primjerka zadržava svaka ugovorna strana.

**J.U. „APOTEKE SARAJEVO“****PROVING d.o.o.**

Nedim Hrelja mr. ph. MBA  
Generalni direktor

Haris Deović, ing.zop.  
Direktor

Broj:01-03-1917/19  
Datum: 04.10.2019. g.

Broj: 3809/19  
Datum: 07. 10. 2019.

